

Broj: 03-02-499/2024
Sarajevo, 13.03.2024. godine

**PARLAMENT FEDERACIJE
BOSNE I HERCEGOVINE**

- Predstavnički dom -
gđa. Mirjana Marinković - Lepić, predsjedavajuća
- Dom naroda -
gosp. Tomislav Martinović, predsjedavajući

Poštovani,

U skladu sa članom IV.B.3.7.c) (III) Ustava Federacije Bosne i Hercegovine, a u vezi sa članom 172. stav (1) Poslovnika Predstavničkog doma Parlamenta Federacije BiH („Službene novine Federacije BiH“, br. 69/07, 2/08, 26/20 i 13/24) i članom 164. stav (1) Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09 i 24/20), **radi razmatranja i usvajanja po skraćenom postupku, dostavljam Vam PRIJEDLOG ZAKONA O IZMJENI ZAKONA O IZMIRENJU OBAVEZA PO OSNOVU RAČUNA STARE DEVIZNE ŠTEDNJE U FEDERACIJI BOSNE I HERCEGOVINE**, koji je utvrdila Vlada Federacije Bosne i Hercegovine na 30. sjednici, održanoj 13.03.2024. godine.

Prijedlog zakona se dostavlja na službenim jezicima i pismima Federacije Bosne i Hercegovine.

S poštovanjem,



Prilog u printanoj i elektronskoj formi (CD):

- Prijedlog zakona na bosanskom jeziku,
- Odredba Zakona koja se mijenja,
- Zakon o izmirenju obaveza po osnovu računa stare devizne štednje u Federaciji Bosne i Hercegovine („Službene novine Federacije BiH“, br. 62/09, 42/11, 91/13, 101/16 i 57/20) (CD)

**Co: Federalno ministarstvo finansija
Federalno ministarstvo finansija
gosp. Toni Kraljević, ministar**

Co: predmet

**BOSNA I HERCEGOVINA
FEDERACIJA BOSNE I HERCEGOVINE
VLADA**

PRIJEDLOG

**ZAKON
O IZMJENI ZAKONA O IZMIRENJU OBAVEZA PO OSNOVU RAČUNA STARE
DEVIZNE ŠTEDNJE U FEDERACIJI BOSNE I HERCEGOVINE**

Sarajevo, mart 2024. godine

PRIJEDLOG ZA DONOŠENJE ZAKONA PO SKRAĆENOM POSTUPKU

Predlažemo da se Zakon o izmjeni Zakona o izmirenju obaveza po osnovu računa stare devizne štednje u Federaciji Bosne i Hercegovine donese po skraćenom postupku u skladu s članom 172. Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, br. 69/07, 2/08, 26/20 i 13/24) i članom 164. Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03, 21/09 i 24/20), koji predviđaju da se zakon može donijeti po skraćenom postupku kad nije u pitanju složen i obiman zakon, a predložena izmjena zakona nije složena i odnosi se samo na jedan član.

ZAKON
O IZMJENI ZAKONA O IZMIRENJU OBAVEZA PO OSNOVU RAČUNA STARE
DEVIZNE ŠTEDNJE U FEDERACIJI BOSNE I HERCEGOVINE

Član 1.

U Zakonu o izmirenju obaveza po osnovu računa stare devizne štednje u Federaciji Bosne i Hercegovine, („Službene novine Federacije BiH“ br. 62/09, 42/11, 91/13, 101/16 i 57/20), u članu 5. u stavu (1) datum „31.12.2022.“ zamjenjuju se datumom „31.12.2026.“

Član 2.

Ovaj zakon stupa na snagu narednog dana od dana objavljivanja u „Službenim novinama Federacije BiH“.

O B R A Z L O Ž E N J E
PRIJEDLOGA ZAKONA O IZMJENI ZAKONA O IZMIRENJU OBAVEZA PO
OSNOVU RAČUNA STARE DEVIZNE ŠTEDNJE U FEDERACIJI BOSNE I
HERCEGOVINE

I - USTAVNI OSNOV

Ustavni osnov za donošenje Zakona o izmjeni Zakona o izmirenju obaveza po osnovu računa stare devizne štednje u Federaciji Bosne i Hercegovine sadržan je u članu III.1 tačka c) Ustava Federacije Bosne i Hercegovine, koji je izmijenjen amandmanima VIII, LXXXIX i CVI i članu IV.A 20.(1) d) Ustava Federacije Bosne i Hercegovine, prema kojima je u isključivoj nadležnosti Federacije donošenje propisa o finansijama i fiskalna politika Federacije BiH, a Parlament Federacije BiH uz ostala ovlaštenja predviđena Ustavom, odgovoran je za donošenje zakona o vršenju dužnosti u federalnoj vlasti.

II - RAZLOZI ZA DONOŠENJE IZMJENE ZAKONA

Razlog za donošenje izmjene Zakona o izmirenju obaveza po osnovu računa stare devizne štednje u Federaciji Bosne i Hercegovine je produžavanje roka za završetak postupka verifikacije koji predstavlja preduvjet za izmirenje obaveza i neophodan je za identifikaciju tražilaca, provjeru iznosa računa stare devizne štednje svakog tražioca i registraciju svih potraživanja po osnovu računa stare devizne štednje.

Na osnovu preliminarnih podataka banaka sa sjedištem u Bosni i Hercegovini, stanje stare devizne štednje iznosi 1.979.000.000,00 KM. Procijenjene obaveze po osnovu računa stare devizne štednje deponovane kod banaka na teritoriji Federacije Bosne i Hercegovine su 1.150.000.000,00 KM, a tačan iznos će biti utvrđen nakon kompletnog postupka verifikacije potraživanja. Do 31.12.2023. godine, u Federaciji Bosne i Hercegovine ukupno je verifikovano 1.054.080.562,74 KM.

Sa produženjem roka za verifikaciju po osnovu računa stare devizne štednje omogućava se velikom broju štediša koji do sada nisu bili u mogućnosti da izvrše verifikaciju svojih potraživanja da to urade u redovnom postupku, čime bi direktno izbjegli sudske troškove po osnovu dokazivanja visine potraživanja po tom osnovu u sudskom postupku.

III - USKLAĐENOST PROPISA S EVROPSKIM ZAKONODAVSTVOM

Odredbama ovog zakona se ne vrši usklađivanje s propisima Evropske unije.

IV - OBRAZLOŽENJE PREDLOŽENIH IZMJENA

Predloženom izmjenom člana 5. stav (1), utvrđuje se novi datum kao krajnji rok za verifikaciju računa stare devizne štednje, čime se stvaraju uslovi za propisivanje novog roka za verifikaciju potraživanja „starih deviznih štediša“ najkasnije do 31.12.2026. godine.

V - FINANSIJSKA SREDSTVA

Za provođenje Zakona o izmirenju obaveza po osnovu računa stare devizne štednje („Službeni novine BiH“, br. 28/06, 76/06, 72/07, 97/11 i 100/13) i Zakona o izmirenju obaveza po osnovu računa stare devizne štednje u Federaciji Bosne i Hercegovine („Službene novine Federacije BiH“ br. 62/09, 42/11, 91/13, 101/16 i 57/20), planirana su sredstva u budžetu Federacije Bosne i Hercegovine, te je potrebno i dalje planirati sredstva do konačnog izmirenja verifikovanih obaveza po osnovu računa stare devizne štednje.

**ZAKON
O IZMIRENJU OBAVEZA PO OSNOVU RAČUNA STARE DEVIZNE ŠTEDNJE U
FEDERACIJI BOSNE I HERCEGOVINE**

(„Službene novine Federacije BiH“ br. 62/09, 42/11, 91/13, 101/16 i 57/20)

Tekst odredbe koja se mijenja

Član 5.

- (1) Postupak verifikacije potraživanja završit će se najkasnije do 31.12.2022. godine.
- (2) Obaveze po osnovu računa stare devizne štednje koje nisu verifikovane mogu se dokazivati i ostvarivati samo u sudskom postupku u skladu sa odredbama Zakona o izmirenju obaveza.